

Qua malicia a nobis nichil nocent
quibus inimicus hostibus in domum pro-
muis qui eos invidias longe pueri
Erosus et terra amans hostibus
Occurrit prore et edomita carnis
fugiva solos imitudo spūū mi-
talit explorare Erosus. au. hos. i-
dōc prore et ce uita carnali nequici-
a: cont spūalia uita et amem ubi
re: Nam qui ad huc erunt se cum
pugnare: Frustra omnia se bella ex-
posita fessat Qui eū semipm
carnalibus submittat: Quid spūalibus
viciis resistat: aut quō te habent
ocum certaminis triumphare appe-
tit qui adhuc apud semipm to-
mestudo invidias leuo furtibit: p-
cece armatis hostibus in omni p-
mus an exhortationis Amom eos

ma in castra non...
pugna se in iust...
Amom non se...
impunita: multiplicata hunc...
rempatione coram...
p- contigit. ut hui qui regendi
bis pūnt: tempore omnium certan-
na etiamora pacantur: quattu-
colūū morte uentibus: dū aut ip-
ad fugam inuit: resistens exo-
tus. Ompata in manibus huc lates.
distinet: Hostes itaq; callidus
tristem mitem dūta tempore
nū uineta equiens. modo ex p-
tenta p inuidias eū sagitta uulnere.
mō ante eū: faciem hactenā uis
de uidelet: uia
spē contigit: et ai-
culis eius opponi
cei mite condō

1978

1642

Rep. I.V. 5.

oo we

(an p. 100)

~~Köthen~~

~~anhalt~~

~~Z 9~~

Schlossbibliothek
Köthen-Anhalt

Gu.

~~07/13/16~~

III.V. 5.

10
11
12
13
14
15
16
17
18
19
20



35.
Neue Zeitung /
Warhafft vnd Ge-
gründte / doch kurze erzehlung vnd bericht /
welcher gestalt weylandt in Schotten geborne Königin
MARIA *Stuarz* gewesene Königin zu Frankreich / aus Hoch-
wichtigen vrsachen vnd verschuldung / im next st vorschienen *Fe-*
bruario dieses 87. Jahrs / In Engelandt auff vorgehende
städtliche ausführung vnd gemeiner Reichs stenden
der Cron Engelandt decretis vnd
beschluß hingerichtet
worden.

Aus welchem gleichwol vngewöhnlichem
Exempel / aus Gottes verhengniß / allen hohen vnd
nidern Stenden zuerkennen geben / wie ein jeder in seinem Stande
bleiben / seiner Allmechtigen verordnung nicht vorgreifen / oder
sich eines frembden gewalts wider inen vnd sein Wort anmassen /
noch auch einer dem andern / nach dem seinen trachten / vnd
vnnötiger frembder hendel / sonderlich der bösen so in
der Welt wider Gottes Wort vorlauffender
practicken sich enthalten / vnd inen
allen für augen haben
sol.

Aus warhafftigem bericht / der jenigen so dabey gewes-
sen also zusammen / jedermenniglichen zur warnung
vnd wissenschaft gefasset / Anno
Domini 1587.

Zu Magdeburg bey Johan Francken 1588.

M A R I A E
SCOTORVM REGINÆ
EPITAPHIVM.



Stemmata Casareo, & Scotorum, clara Marito
Rege ac hoc Gnato, qui modo sceptrum tenet
Illa ego, quæ sata sum Regali stirpe parentum
Hoc tumulo paruo, contumulata tegor.

Hucq̄ mea mentis prauæ imperiosa potestas
Et mea me torsit, prob, temerata fides.

Stemmata nil faciunt, nil prodest sanguine claro
Censeri, si animum deuius error agat.

Disce sequi rectum, iustumq̄: tenentia colla
Marmora qui, fato, nostra resecta uides.

Discite mortales quibus est res conscia nostri
Consilij, in dubijs esse pericla vjjs,

Atq̄ meo exemplo moniti, desistite: nam vos
Certa, sed incerto tempore, pœna manet.

Bis sapit, alterius qui exemplo motus: & ipso
Sit satis hoc, nostro vos didicisse malo.

Erzehlung der Hoch= bewegnüssen / so zu nachfolgender *Execution* vrsachen geben.



Elisabet Königinne zu Engelandt / Nach dem jr zum mehrenmahl vnterschiedliche heimliche verbündnis vnd durch den Papst zu Rom / vnd ire nahegelegene Feinde die angelegte vnd getriebene *Conspiratones* entdeckt vnd vorgekomen / dadurch man gesucht hat / sie nit all. in der Kron sondern auch des Lebens zuberauben / vnd dagegen die gefangene Königinne aus Schottlandt Maria Stuarts der Gefengnüss zu entledigen / vnd an ire stete auffzuwerffen / nachdem dieselbige Königinne zu der Kron in Engelandt die nechste / vnd dazu gut Römissch vnd Catholisch / welche nun viel Jar in Engelandt in freyer Gefengnüss ist gehalten gewesen / weil sie dahin flüchtig vnd verfolgt worden / Von dem Parlament vnd Staaden des Königreichs Schottlandt / Welche sie zu Rechte wolten gestellet haben / derwegen / das sie iren Herrn Eheman hat vmbbringen lassen / als nemlich vor etzt erwürgen / vnd darnach das Hauß da er innen war / mit Büchsenpuluer zusprengen / vnd aus den vrsachen / dz sie in vnzimlicher Liebe wider einen Schottischen Grafen entbrand / des name Bedwel gewesen / welchen sie nach Hochgemelt in ihres Herrn Ehemans kleglichen abgang zur Ehe genommen / vnd sich hat vermehlen lassen / vnd wie sie folgendes nach solcher That gefenglich gehalten *resigniret* vnd vbergibt die Kron vnd Regierung irem Son Jacobo den sie von dem Hochgedachten irem entleiteten Herrn gezeugt / vnd ihiger zeit regierender König in Schottlandt ist.

Es begab sich aber nicht lang darnach das sie loß brach / vnd
vornmittels ihres anhangs einen Kriegszug zuwegen bracht / in
meinung iren Sohn der Regierung widerumb zuentsetzen / Die
weil sie aber mit ihrem Hauffen in die flucht getriben vnd das Re-
fugium oder zuflucht in Engellandt genommen / ward sie daselbst
abermals von den Schotten angeklaget / der obgemelten begange-
nen That halben / Aber durch die Königinne von Engellandt der-
massen beschützt / das dieselbe kein gerichtliche anlage wider sie ge-
statten noch annemen hat wollen / in betrachtung das sie im gebüte
so nahe verwandt / dieweil aber die Schottische Königinne bey zeit
irer Regierung den Tittel des Königreichs Engellandt geusurpi-
ret / vnd sich angemasset / hat die Königin von Engellandt sie auff
freyen füßen mit stellen / oder gar loß geben können / damit sie ihre
eigene Person etlicher massen vorsichern / jr Landt vnd Leute vnd
den stadt der Religion in vnd bey gutem friede erhalten / vnd den
Schotten keine ursache einiges vnwillens oder vnfriedes geben /
vnd hat also die vielgemelte Schottische Königin dar sie denn ihr
in einer freyen Befegnüß mit herrlichem stadt dienen vnd wol
pflern lassen / also / das sie nach irem willen vnd gefallen in der jagt
sich ergessen vnd verlästigen hat mögen / Aber sie hat in solchen
ihrem standt nicht lange friedlich sein können / sondern auff mittel
vnd wege getrachtet / wie sie der Befegnüß los werden vnd die
Königin aus Engelandt vmb das Leben bringen möchte / Darzu
viel hohe Adels personen beredet vnd erwecket hat / fürnemlichen
den Herzog zu Nordfock nebenst andern Grafen vnd Herrn /
welche auch endlich das Leben haben darumb lassen müssen / vnd
als sie in nechst verlauffenem Sommer gepracticiret / Wie sie die
Königin aus Engelandt in ihrem Pallast möchte erwürgen vnd
vmbbringen / vnd frembde Geste ins Königreich Engelandt brin-
gen / dardurch sie der Befegnüß gar entfreyet / vnd zu der Kron
beyder Königreich Schotlandt vñ Engelandt komen / vnd Päpst-
liche Religion widerumb daselbst anrichten möchte / in hoffnung /
dardurch neben ihrem anhangs das Himelreich zuuordienen / als
hat die:

hat die Königin von Engelandt auff solcher der von Schottlande
jüngster That vnnnd fürnemen weiter *Information* thun vnnnd hal-
ten lassen / auch in beywesen ihres Adels vnd Recht vorwaltern per-
sönlich verhören vnd zur Purga stellen lassen / Vnd nach dem in
obberürter That schuldig befunden / ist die ganze handlung vor das
Parlament oder *General Stende* des Reichs geschoben worden /
damit dieselbe auff mittel vnd wege trachten möchten / darmit ihre
May. von Engelandt ihres Lebens vorgewissert / vnd der wolstandt
der Kron Engelandt / vornemlich aber der Religion / *gestabilis-*
ret, aber doch der gefangener Königin am Leben verschonet wer-
de / als einem Weibsbild ihrem Geblüte gar nahe verwand / darzu
einer fürnemen hohen Fürstin ihres eigenen Rechtens / welche vom
Leben zum Tode zubringen / bisshero ein vnerhörtes Exempel
sein würde / Worauff die Herrn des Parlaments oder *General*
Stende des Reichs nach gehaltenem Rahte gütlich eingewandt /
Nach dem aus der von Schottlandt vielfeltigen biß daher getriebe-
nen anschlegen vnd practicken / klar vnd am tage were / das dersel-
ben leben endlich der May. von Engelandt gewisser Todt sein
würd / vnd ein ewige *Ruina* vnd zerstörung des gemeinen Friedes
der Kron Engelandt vnd der Christlichen Religion / dz kein ander
Remedium, weg oder mittel / dazu verhanden / Denn das mit der
Execution wider die von Schottlandt weiter fortgefahren vnnnd
procediret würde / Haben aber damit von der Mayt. zu Enge-
landt fernern Raht selbst begeret / auch durch dieselbigen bey der
Kron Frankreich vnd Schottlandt / rahtes pflügen lassen / Vnd
sind von gemelten Potentaten fürneme gesandten hohen standes /
darauff gegen Engelandt abgefertiget worden / ob der sachen in
obgemelter gestalt / durch vnterhandlung der selbigen Raht / zufin-
den were / darinn denn die *Qualitet* vnd gelegenheit ihres hohen
standes / auch das erbarmen vnd mitleiden / so die Herrn abgesan-
ten mit der beschuldigten von Schottlandt betrübten zustandt ge-
tragen / gerürte Herrn abgesandten / nicht wenig *mouiren* vnd be-
wegen thete / vnd fürnemlich die *rarity* des Exempels / so fern mit:

Der Execution solte volnfaren werden / Vnd ob wol dieselbigen
Herrn abgesandten nach bestem irem fleis ein gute vnterhandlung
in dieser sachen getroffen / haben sie dennoch gleichwol nicht für-
bringen können / dadurch die Mayt. von Engelande / in obberür-
ter gestalt / wegen irer Person vnd des Reichs vnd der Religion et-
licher massen vorgewissert werden möchte / als das die Mayt. von
Engelande was sie weiter darin thun / oder lassen solte / eine gute
weil gar zweiffelhaftig gestanden / vnd doch bey ir selbst entschlos-
sen / das sie der von Schottlandt ir leben fristen wolte.

Diemeil aber in kurzer vorgehender zeit der Gefangenen
von Schottlandt neue *conspiraciones* wider die Mayt. von Enge-
lande Person widerumb entdecket vnd an tag kommen / daris der
Ambassador sampt der May. von Engelandt eigene Hausgenoss-
en vnd gesinde sind beypflichtig befunden / vnd das darzu komen
ist die schendliche Borreterey des von Stanli vnd Jorchi mit der
Stadt Deuenter / vnd die schanz vor zupffen / vnd was sonst mehr
daraus vorhanden gewesen / alles erreichen zu mercklicher newe-
rung ins Königreich Engelandt / vnd zu endlicher befreung der
Gefangenen von Schottlandt ein ausbündich schönes güldenes
festlein / mit edlen gesteinen vnd anderer zier / auff's herrlichste zu-
bereitet / zu einer besondern ehrgabe vorehret / welchs inwendig mit
verborgenem künstlichem schoß vnd feuerwerck. dermassen zuge-
richtet gewesen / dz wenn mans auff schlosse / solch geschosß vñ feuer-
werck abginge / der hoffnung die Königin solt solchs festlein selber
öffnen / vñ also durch dz geschosß plötzlich hingerichtet werden / weil
aber doma's do es vberreicht worden / die Königin nicht müßig ge-
wesen / vnd solchs ihrer Jungfrauen einer biß sie müßig würde / in
die kammer bey seits zutragen besolen / die gute Jungfrau aber / in
dem sie dem besel nachgelebet / sich nichts geferlichs vermutet / vnd
den schlüssel zum Lädlein dabey gehabt / vnd solchs geöffnet / zu be-
sehen / was darinnen sein möchte / ist dz feuerwerck vnd schoß ab-
gangen / vnd sie auff der stet erschossen / vnd irer Mayt. von Enge-
landt gewissen vntergang / als hat die hochgedachte Mayt. von
Engelandt

Engelant eigentlich bey sich entschlossen / die i nach vnd dz *Morti-*
um aller solcher hendel einmal abzuschaffen / vñ auff berichte
vnd befehl vorfertigen lassen / mit irer Mayt. eigen. hand vnter-
schrieben / dz man die Gefangene von Schotlande hinrichten sol.

Nach solcher vnterschreibung ist sie zweiffelhaftig vnd hat bey
ir selbst darauff *deliberiret*, aber die Gerichts verwalter / weil sie
solchen befehl zu iren hendē bekamen / sind sie gar schleunig mit der
Execution fortgefaren / darob die May. von Engelande fast betrübt
vnd gros leid getragen / vñ darüber den Secretarien Dauid Son /
in das Schloß das *Tour* genandt / gefenglich hat einzihen lassen /
vnd sind der Hofflingen nicht wenig dadurch in vngnad geraten /
vnd damit ihre Mayt. ihr Leid vnd gefasse betrübñus an den Tag
gebe / hat sie schwarze trawer fleider angelegt.

Nach folgender weis / vnd angestalt ein proces nach /
ist die *Execution* erfolgt.

Die *Execution* ist in folgender gestalt zugegangen / Nach
dem der Königin von Engelande vnterschrieben beschlich durch
den Secretarium Beale an die Herrn Grafen von Schoosboris
vnd von Rende / welche damals in der gegent des Castels vnd Hau-
ses Fodrigay lagen / gelanget vnd vberreicht worden / vñ den vbrin-
gen vom Adel vnd von der Ritterschafft / vnd auch den Drossen /
vnd Amptleuten des Reichs / welche zu der zeit auff gemeltem Hau-
se Fodrigay bey dem Herrn / Sire Asurias vnd Sire Drue Druijry,
denen die Gefangene Königin zubewarten der befehl gegeben /
fürhanden waren / *Communiciret* vñnd mit getheilet ist worden /
Haben dieselbige also bald der Mayestet von Engelande willen
vnd befehlich der Gefangenen Königin von Schotlande eröff-
net vnd kund gethan / welche getrost darauff geantwortet / das sie
dazu willig vnd bereit were / vnd lange darnach geharret hett / vnd
fraget also bald darauff wennehr sie entschlossen vñnd *resoluiret*
weren / mit der *Execution* zu vorsehen / gaben zur antwort / Da
es ihr gefellig / das es des nechstfolgenden Tages / Welcher ist
gewesen

gewesen der 18. Februarij Anno 1587. *Stilo nouo*, geschehen solle/
ermaneten sie darüber zur gedult/ vñ hielten jr für die hochregende
not/welche die May. in Engelande vñ die stende desselbigen Reichs
zu solcher *execution* gedrungen/mit sonst andern mehr Worten vnd
vmbstenden/so hie langweilig vnd vnnötig zumelden/vñ baten end
lich Gott den Allmechtigen dz er mit seiner gnade bey jr sein wolte.
Des folgenden tages wie oben gedacht/ist gewest der 18. Febru-
arij *Stilo nouo* des morgens vmb die glock 7. versamleten sich in viel
gerürtem Schloß *Frodrigarij* die vorgemelte Grafen vnd Herrn/
die vom Adel vnd die Ritterschafft/vnd ward einem jeden von der
Ritterschafft zwo personen vnd dem gemeinen Edelman jedem eine
person mit sich ins Schloß zuführen/ also vergunt dz vngeserlich 80.
oder 100 personen/ausserhalb des gemeinen haußgesindleins allda
gegenwertig gewesen/sampt des Hauses wacht vñ *Guardi*/in dem
grossen Saal war ein Schanot oder stellung auffgerichtet 2. fuß
hoch vnd 12. fuß breit/vnd die lene oder dz Schrenck werck vmb ge-
melte stellungen gemacht war auch 2. fuß hoch / vñnd die stellung
war durchaus mit schwarzen Tuch vberzogen vnd bekleidet/ vñnd
stand darauff ein kasten mit etlichen küssen / wie man solches alles
verfertiget/vnd die obengedachte Herrn alle besamen waren/ ha-
ben dieselben vngeserlich zwischen 8 vnd 9. vhren der gefangenen
Königin ankündigen lassen/ dz sie vermöge des gestrigen mit jr ge-
nommen abscheides allda vorhanden vnd erwarteten weñ sie dazu
fertig vnd bereit sein wolte. Die abgefertigte aber funden der Kö-
nigin kammer geschloffen/ vnd grundel oder Rigel vorgelegt/ vnd
dz sie alle ire Diener vnd gesinde besammen hette. Wie nun die
Herrn solches vernamen / haben sie nit lang darnach abermals zu
jr geschickt/ mit befehl/ so ferne sie das Gemach noch würden ver-
schlossen finden / das sie anklopffen sollen vnd jr die aufferlegung
thun/es würden aber die Thüren offen gefunden/ vnd ward jr der
Herrn werbung durch einen iren Diener selbst angemeldet / Dar-
auff sie antworten ließe/dz sie noch etwas zuuerichten hette/ haben
derhalben die wolgemelte Herrn etwan nach verlauff einer halben
stunden

Stunden noch einmal zu ihr gesand / vnd zur antwort bekommen / dz sie
in einer halben stunde bereit sein wolle / eine gute weile darnach / ist
der Drost oder Castelan den sie Schriffe nennen / hinauff zu der
Königin gangen / vnd fand dieselbige mit iren staadungsfrauen /
Frauenzimmer vnd Dienern auff den knien im Gebet liegen / vnd
nach dem sie zu den irigen gesagt / das ir stündlein nun vorhanden
were / stund sie auff vnd sagte / dz sie nunmehr zu sterben bereit / vnd
ward also von zwo irer Hausdienerin aus irem Gemach in die für-
Kammer / so man presenzkammer nennet beledet / alda sie ire vbrige
Diener vnd gesinde trawrig vñ weinent besamen fand / welche
sie zur furcht Gottes vnd gehorsamkeit mit vielen Worten them ver-
manen / vnd nam also erlaubnus vnd das Valet von inen / die Wei-
besbilder herzte sie vnd küsset dieselbigen / den Mannes personen
reichete sie ire hende zu küssen / vnd bat sie semplich / dz sie sich vber
irem Todt nit betrübeten / sondern viel mehr erfreuen sollen / vnd
befahl / das sie Gott den Herrn fleissig vor sie bitten wolten.

Darauff ward sie nach dem zugerichten Gemach gefüret /
vnd gingen ir die vorgemelte Herrn alle entgegen / aus dem gros-
sen Saal / vnd sprach der Graff von Schrafberri zu ihr / Ma-
deinde, Wir sind alhier kommen euch der Königlischen Mayt.
vnsrer gnedigsten Frauen *commission* zu zeigen / vnd ins Ver-
richten zulassen / was vns dieselbige hat auffgelegt / wie ir denn ge-
striges tages von vns seid verständiget worden / Welchen Befehl
vnd sentenz der Grafe von Bens vnter dem grossen Siegel von
Engelandt dazumal in henden het / Vorauff die Schwedische Kö-
nigin zur antwort gab / das sie viel lieber zu sterben denn lenger zu
leben begerte / Vnd sahe sich darnach vmb nach ihrem fürnem-
sten Diener Melum genandt / vnd sprach zu demselbigen. Mein
lieber getrewer Melus / Ob ich wol erachte / das du einer von den
Protestirenden bist / vnd ich ein Catholische / vnd gleich nit nur
ein Christus ist / Vnd ich eine geborne vnd gesalbete Königin von
dem blut König Reich richs des 7. So befehl ich dir auffs höchste /
wie du solches hernach mais für Gott zu verantworten hast / das
D
du die

du die botschafft / welche ich dir aufferlegē werde / gar trewlich meis-
nem lieben Son vbertragen / vñ anmelden woltest / als nemlich / dz
ich in bitte / dz er dem Allmechtigen Gott im Himmel vnd der Cato-
lischen Kirchen fleissig diene / vnd sein Land vnd lute in gutem frie-
de regieren wolle / vnd dz er sich keiner frembden gewalt vnterwerf-
fe / wie ich gethan habe / ob ich wol willens gewesen / sein Königreich
mit dieser Insel zuuereinigen / welches sein Reich ich im 180 frey las-
se / er wolle nun zusehen / das er es also lange behalte / vnd nit zuviel
auff Weltliche vernunfft bawe oder sich verlasse / weil die Könige-
reich mehr durch ein fest vertrauen zu Gott dem HErrn / denn sol-
che ding erhalten werden / so wird in auch Gott segenen / dz er auch
wolte zusehen / darmit der Königin von Engelandt keine vrsache
gegeben werde einiges mißtrawens / vnd du Melum solt mein zeu-
ge sein / das ich sterbe eine getrewe Schottische / getrewe Frankösi-
sche vnd ein getrewe Catholische / wie dz mein Profession jederzeit
gewest / dazu sie mehr vmbstende gebrauchte / worauff der Melum
geantwortet mein allergnedigste vnd von Gott geordnete Princess-
sin vnd Fürstin / Nachdem ich bißanhero E. May. getrewer Die-
ner gewest / so wil ich nechst Gottes hülff E. May. 18ige wort vnd
befehlich trewlich verrichten / vnd meinem gnedigsten Herrn dem
König E. Mayt. Son vntertheniglich vermelden.

Darnach wante sie sich zu den Englischen Herrn / vnd beger-
te / das dieselbigen ir vergünnen wolten / das ihr Priester möchte zu
ir auff den Schraut oder stellung gelassen werden / Aber solches
ist ihr abgeschlagen worden / dar auff versucht sie das ihre Diener
semplich möchten zu ihr gelassen werden / Damit in künfftiger
zeit dieselbigen bey dem König in Frankreich vnd anderswo ihr
zeugen sein könten / Das sie gut Catholisch gestorben were / Dar-
auff die Herrn geantwortet / das ihre Mayt. von Engelandt an-
deren bescheid gegeben hette / darmit sie in ihrem Gemüte nicht wi-
der *turbiret* vnd in vngedult kommen möchte / vnd ward solches
der von Schotlandt anmuten / nicht ohn argwon vnd *suspicion*
von den Englischen Herrn auffgenommen / Endlich worden ir s:
jccc

irer Diener zugelassen/ sampt z. irer stadsjungfrauen/ nachdem sie sich etete beklagen/ das sie sonst wegen freylicher Ehren vbel gedienet/ vnd derhalben mehr von den irigen vmb sich zuhaben bi gerte/ sie wolte dieselbigen vermanen / das sie kein geschrey oder weinen machen oder ir woran hinderlich sein sollen/ sie begerte ferner auch dz ire Diener vnd gesinde/ mit frehem sicheren geleite nach Schotlandt vnuerhindert zihen / vnd das dieselbigen ire habe vnd güter/ vnd was sie sonst inen gegeben/ mit sich nemen möchten/ Welches ihr von den Engelischen Herrn also versprochen vnd zugesagt ist worden / zu welchen sie folgent zweymal gesagt / ihr Herrn ich beschwere euch/ das ir solcher ewer zusage die folge thun wollet.

Darnach ward sie zwischen zweyen Dienern der Subernatorn des Schlosses auff dz Schrauot gefüret/ vnd weil sie vbel stehen konte/ setzte sie sich nieder auff den verordneten Stuel vnd die beyde Englische Grafen setzten sich auch auff dz Schrauot nider/ vnd also bald las der Secretari Beale mit klarer lauter stimm den Befehlich vnd Sentenz der *Execution*. Ihre kleidung war / darinnen sie sich anfenglich vor die stade des Reichs hatte sehen lassen/ von schwarzem gar köstlichem Sammet/ In einer hand hat sie ein klein hölzern oder von beinen gemachtes Crucifix / Daran ein Bildnis Christi geheftet / vnd in der andern Hand hat sie ein Buch/ An irem Hals trug sie ein güldenes Creuz / vnd an der seiten ein *Pater noster* an einem gürtel hangen / Es stund bey ihr ein *Doctor Theologie* der ein Dechant war von Peter Borings / demselbigen war von den Herrn auffgelegt / Das er der Königin aus Göttlicher Schrift allerley Trostsprüche fürhalten solte/ das mit sie mit bußfertigen herhen/ Gott dem Herrn ihre Seele auffopffern vnd beschlen möchte / welchem *Doctor* sie also balde in die rede fiel vnd bat mit lauter Stimme / das er schweigen solte / weil sie sonst gnugsam zu sterben bereit sey / Worauff er melter *Doctor* antwortet / Das er nicht mehr sagen wolte / denn ihm von seiner Obrigkeit were auffgelegt worden / vnd was sonst die Wahrheit an ihr selber were/ vnd dergleichen/ Sie aber sehtre aber-

mal's gar vber laut / Meister Dechant wollet schweigen / ich wil
ewer nicht hören / ir habt auch nicht mit mir zuschaffen / ir *per-
turbet* mich nur / Darauff ward im ein stillschweigen von den Herrn
außerlegt / Damit sie in ihrem Gemüte nicht weiter irre gemacht
würde / vnd sprach der Graff von Rende / zu ir : *Ma dame* , ich
betrüb mich ewrenthalben / das ich diese *superstitiosa* vnd Aber-
glaubische ding an ewren henden vnd vmb euch sehe / Darauff sie
antwortet : Es gezimet mir die Figur vnd Bildniß Christi bey
mir zu haben / seiner dabey zudencken / Der Grafe sprach / es
were besser / dz sie den HERN Christum in irem herzen trüg / vnd
die angebotene Gnade des Allerhöchsten mit ausschläge / vnd wie-
wol sie sich weigerte solche des Grafen rede anzunemen / sagte der
selbige endlich / das er gleichwol GOTT für sie bitten wolle / das er
sich irer erbarmen vnd ir ire Sünde vergeben / vnd zu sich in sein
Reich nemen wolte / worauff sie zu antwort gab : So bittet denn /
ich wil auch bitten / vnd also bald der mehrgemelte Dechant auff
seine Knie gefallen an der treppe der stellung vnd hat vberlaut mit
verständigen wortten ein gar inniges vnd feuriges Gebet zu GOTT
dem HERN gethan / zu solchem anblick dienstlich / auch zu der Kö-
niglichen May. zu Engelandt vnd des Reichs friede vnd wolstand
folgendes reichende. Welches Gebet dem Dechant von allen
vmbstehenden ward nachgesprochen / in milder zeit that die von
Schotlandt auff Lateinisch ihr Gebet gar laut / also / das sie vber
alle andere gehört ward / vnd behielt stets das vorgemelte Cru-
cifix in iren henden / vnd nun solches Gebet allerseits gethan vnd
geendiget war / fiel der Nachrichter für sie auff die Knie vnd sie vor-
gab im iren todt vnd auch allen den jenigen / so ehrmals nach irem
Blate gestanden vnd getrachtet ebenet massen / wie sie von Gott
dem Allmechtigen vorzeihung irer Sünde aus ihres herzen grun-
de begerete / vnd fiel nach solchen Wortten auff die Knie vnd that
abermal so ein emsiges Gebet zu GOTT / vmb vorzeihung semp-
licher begangenen Sünden / mit dem eingang / das sie ein fest v. r.
trawen hat / durch den Todt vnd das teure Blutuergießen vnser
HERN.

Herrn Jesu Christi ewiglich selig zu werden / welches Figur vnd bildnis sie in iren henden hatte / wolte auch darauff williglich jr blut stürzen / vnd bat also weiter für den glückseligen zustand der Kön: May. zu Engelandt. dz dieselbe lang glückselig vnd in gutem friede regieren möchte / vnd Gott dem Herrn fleissig dienen / auch für die wolfsart der ganzen Insul / für die Grassligirte Kirche Christi vnd end der elenden / Item für iren Son den König / das der selbe glücklich regieren vnd zu der Catholischen Religion bekeret werde möchte / endlich rieß sie alle H. im Himmel an / das sie dieselbigen stunde Gott für sie wolten bitten / auch dz er seine straffe vnd plage gnediglich von der Insul wolte abwenden / wolte jr ire Sünde vorzeihen vnd endlich ire Seele zu seinen Himlischen henden nemen.

Nach solchem Gebet stund sie auff vnd bereitete sich zum sterben / legte jr staffierung zum teil von sich vnd lies jr vberkleid oder Tabbert durch die beyden Jungfrauen vom Adel ausziehen / vnd wie nun zwey Nachrichter dazu helfen wolten / sprach sie das sie nit gewonet were sich für so viel leuten zu entkleiden / das vberkleid nam sie mitten vmb sich / das vberleiblichen ires vnterkleides war fast niedrig nach dem halse zu / angeschnitten / vnd auff dem rücken zugerien / Sie that sich in aller eyl darzu schicken / vnd wie sie nun das alles verrichtet / küßte sie ire beyde Stadjungfrauen vnd sagte ihnen dz letzte *Adieu*: worauff die eine von denselbigen anhub bitterlich zu weinen mit grossm laut / also / das die Königin zu ir sprach / schweig weine nit / hab ich nit für euch anloben müssen / das jr nicht weinen / kein geschrey machen solt / derenthalben seid getrost / vnd gab ihnen / alsbald mit irer hand den segen / vnd befal / dz sie von der stillung abtreten solten / vnd wie sie nun alsbald zu sterben bereit war / wante sie sich zu iren Dienern die nicht fern von dannen auff ihren knien lagen / vnd segnet dieselben auch / macht ein Creuz mit irer hand / vnd ruffte dieselbigen alle zu zeugen / dz sie gut Catholisch stürbe / vnd befal denselbigen für ihre Sünde zu bitten. Siel alsbald auff ire knie nieder gar plötzlich / getrost vnd wolgemut ohn einiger massen ihre farbe zuvorschen / oder einig zeichen eines verzagten.

Herrens oder schrecklich des Todes von ir zu geben / Ir Stadlungfratw
band ir ein klein leinen tuch vor die Augen / vnd wie sie also in den
knien lag / sprach sie vberlaut aus dem 70. Psal. *In te Domine spera-
ui & non confundar in aeternum, in iusticia tua libera me*, vnd nach
solchem Gebet streckete sie ihren Leichnam nieder / vnd hylte ihren
hals vber einen dazu verordneten Block / vnd rieß zu **G**ott dem
HErren. *In manus tuas Domine commendo Spiritum meum.*

Einer von den zweien Nachrichtern hielt ir die beiden hende /
darauß schlug der ander mit einem beil zu / mit beyden henden / vnd
hieb ir im andern schlag das Heupt abe / damit endigte sie ir leben.

Der nachrichter nam das Heupt auff vnd zeigte es den vmb
stehenden / dieselbigen rieffen alle zugleich. Gott wolle vnserer Kö-
nigin bewaren / vnd also müssen vmbkommen alle ire feinde / vnd
die so Gottes Wort vnd ire Mayt. verfolgen / Amen.

In dem aber der Nachrichter das Haupt auffnam / fiel der
schmuck herab / also / das man sehen konte / dz sie allbereit fast grau
gewest / vnd dz sie ire Haar kurz hatt abschneiden lassen / ire kleider
sind dem Nachrichter nit zu teile worden / man hat im aber den wert
dafür zugesagt / vnd alles was sonst in mit ihrem Blute besprenget
gewesen / so wol an die Nachrichter wie sonst / ward bald abgeno-
men vnd gewaschen / vnd die breiter der stellung / dz blutige beil / dz
schwarz gewand / vnd was sonst blutig gefunden / ward alles abge-
nommen / vnd *pede stant* oder stracks ins feuer geworffen / auff das
keine *Superstition* vnd Aberglaube damit getrieben werde.

Der todte Leichnam ward oben auff ein Gemach getragen /
gepalsamet vnd in einen Sarcß geleget / erwarten der Begrebnis /
an welchem orte aber derselbige sol begraben werden / ist noch zur
zeit dem gemeinen Man gang vnbekandt / Der verstorbenen Ges-
sinde vnd Dinern ist befehl gethan / Das sie noch nicht verrücken
sollen von dannen / Sondern in irem gewöhnlichen stande verhar-
ren / welches man erachtet / das also lang sol weren / bis das die ver-
storbene Königin ehrlich begraben sey.

Sie ist ungefehrlich ihres alters von 44 Jahren gewest / vnd
die

die schönste Fürstin so zu irer zeit gelebt hat / Ist in der ersten Ehe
Francisco dem andern Könige in Frankreich vorehelet gewest/
Nach des tödlichen abgang/hat sie sich zum andern mal mit Hein-
richen Stuardes des Grafen von Lenochen Son/welcher ein schö-
ner junger Herr gewest/vermehlet/von welchem sie den jetzigen jun-
gen König in Schottlandt gezeuget hat / vnd nach dem sie ihren
andern Eheman jemmerlich hat vmbbringen lassen / hat sie sich
zum dritten mal mit dem Bodewel dem Grafen / inn den Ehe-
stand begeben/welcher folgendes wie er aus Schotlandt gemichen/
vnd in Dennemarcken ankommen / daselbst gefenglich angenom-
men/ vnd ist endlich in vn Sinnigkeit daselbst gestorben.

Die ganze zeit aber da diese *Execution* gehalten / waren
die pforten des Castels verschlossen / vnd ward niemand einge-
lassen/ bis zu der zeit das *Mr. Horrij Talbot* Sohn von dem Gra-
fen von *Schlossberry* nach der Königlichen Mayt. von Engelandt
Hofflager abgefertiget war / des folgenden tages ist die zeitlung zu
Lunden ankomen/ vñ haben darauff die bürger in allen gassen freu-
den fener angerichtet/vnd von grosser freude die glocken leuten las-
sen/dieweil sie nunmehr aus der grossen gefar darinnen sie bey lebē
der gefangenen Königin gesteckt/ einmal erlöset/ Die Königliche
May. aber wegerte sich dagegen gar trawrig/weil ir Raht vnd ge-
richtsuerwalter wider ir zuuersicht so gar schleunig mit der *Execu-
tion* gecilet.

Bis dato den 17. Martij Anno 1587. ist es hier in Engelandt
gar still gewest/vnd sind guter hoffnung dz er ferner auch also *con-
tinuiren* vnd vorfolgen wird/vnd dz mit dieser *Execution* irer May-
feinden eine furcht sol eingesagt sein/vnd dz es andern Fürsten zum
beyspiel vnd gutem Exempel dienen werde/damit sie von Gott vnd
der Gerechtigkeit nicht abweichen/ vnd nit gedencen/das
sie vnstraffbar in dieser Welt in gleichen
fellen sein.

Faint, illegible text, likely bleed-through from the reverse side of the page.



mem masculu naru dem...

78 L 1648

ULB Halle 3
 000 997 889




kein Rest

VD 77

*





35.
Neue Zeitung /

Warhafft vnd Be-

gründte / doch kurze erzehlung vnd bericht /
welcher gestalt weylandt in Schotten geborne Königin
MARIA Stuarts gewesene Königin zu Franckreich / aus Hoch-
wichtigen vrsachen vnd verschuldung / im nechst vorschienen Fe-
bruario dieses 87. Jahrs / In Engelandt auff vorgehende
städtliche ausführung vnd gemeiner Reichs stenden
der Cron Engelandt decretis vnd
beschluß hingerichtet
worden.

Aus welchem gleichwol vngewöhnlichem
Exempel / aus Gottes verhengniß / allen hohen vnd
nideren Stenden zuerkennen geben / wie ein jeder in seinem Stande
bleiben / seiner Allmechtigen verordnung nicht vordringen / oder
sich eines frembden gewalts wider inen vnd sein Wort anmassen /
noch auch einer dem andern / nach dem seinen trachten / vnd
vnnötiger frembder hendel / sonderlich der bösen so in
der Welt wider Gottes Wort vorlauffender
practicken sich enthalten / vnd inen
allen für augen haben
sol.

Aus warhafftigem bericht / der jenigen so dabey gewese-
sen also zusammen / jedermenniglichen zur warnung
vnd wissenschaft gefasset / Anno
Domini 1587.

Zu Magdeburg bey Johan Francken 1588.

